

**SEPEDI LELEME LA GAE: LEPHEPHE LA II
SEPEDI HOME LANGUAGE: PAPER II**

MARKING GUIDELINES

Nako: Diiri tše 3

Meputso: 100

These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.

The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.

KAROLO YA A DINGWALO

SERUDU, M. S. 1991 – A MO SWINA NGWANANA' THAKANA

POTŠIŠO YA 1

1.1 Mohlala wa karabo:

Tikologo e hlaloša lefelo la ditiragalo tša baanegwa tšeo di diregago ka nako ye e itšego. Nako le lefelo ke dikokwane tše bohlokwa kudu tša tikologo. Mongwadi a ka ngwala ka lefelo la dilo tša segologolo le dinako tša gona goba a ngwala ka ditiragalo tša go hlaloša dilo tša sebjalebja le dinako tša gona. Ka gona mongwadi a ka šomiša tikologo ya sebjalebja goba ya segologolo.

Tikologo ye ke ya sebjalebja le ge e na le lefetlana la ditiragalo tša go amana le tikologo ya segologolo. Mohlala wa ditiragalo tša segologolo:

- Ba sa tshepa gore nkadingala o tla ba rarollela mathata a ka gae – Mologadi o ile ga Matonya go yo kgopela moratišo wo o tlogo sokolla pelo ya Lekope.
- Nadinadi le mosadi wa gagwe ba ile ba ya lapeng la Lekope le Mologadi go yo hlaloša gore ga se bona bao ba thubago lapa la bona – ebile Nadinadi o ganne go hlatsela maaka a Lekope.

Mehlala ya tikologo ya sebjalebja:

- Mabenkele a Lekope a kgoparara a laetša gore go na le tlihabologo.
- Go na le hotele mo motseng – Ke mo barwa ba Lekope ba bonego Mmatlala le Mokalabi gona.
- Go na le mengwako ya kgoparara – Lekope o agetše Mologadi, Pebetse le Mmatlala mengwako ya kgoparara.
- Difenišara tša bona ke tša sebjalebja – Ge tiragatšo e thoma Lekope le Mologadi ba be ba dutše ka phapošing ya boiketlo.
- Go na le bookelo mo kgauswi – ke mo Lekope a ilego a išwa gona ge a be a lwala.
- Go na le ditaxi tšeo ba gwebago ka tšona – Lekope o file barwa ba gagwe dilaesense tša tšona gore ba šale ba iphediša ka tšona.
- Ba ya go ramolao ka nako ya tlihalano. Lekope o ile a humana mangwalo a go tšwa go yena ramolao.
- Mmatlala o tšeela Mologadi monna a se na le dihlolong. Se ke taetšo ya bophelo bja sebjalebja bja go hloka dihlolong.
- Pebetse ga a na dihlolong tša go eletša morwedi wa gagwe gore a nyalwe ke Lekope wa mokgalabje gore a kgone go mo hula tšhelete.

GOBA

1.2 SETSOPOLWA SA A

1.2.1 Mokalabi

1.2.2 Morero wa papadi ye o lebane le go hloka maitshwaro ga banna fao fetšago ka go itshola.

Lekope o tlogetše mosadi wa gagwe yo a bego a iketlile le yena a kgahlwa ke kgarebjana ye nnyane, bjale e mo hlokiša boroko.

1.2.3 Dikgopolo tša balekwa tša maleba di tla amogelwa. Mohlala:

- Go tlo tsoga tlhakahlakano lenyalong la bona.
- Ba ka hlalana.

1.2.4 Ditšhupasefala / Ditaetšosefala ke mantšu a ka mašakaneng ao mongwadi a a šomišago go hlaloša ditiragalo tiragatšong.

- **Go laetša maikutlo** – O mo tomoletše mahlo. / O a ngunanguna. / O befetšwe kudu. / O mo šupa ka monwana.
- **Go hlahla mmadi** – O katakatela lebating. / O fela a katakata. / Ka go rapeletša. / O boela setulong. / Mmatlala o a tsena, Lekope o a emelela o a mo lekola.

1.2.5 Dikgopolo tša maleba tša balekwa di tla amogelwa. Mohlala:

Go se tshepane

- Lekope o nagana gore Mmatlala o tšea tšhelete ya gagwe o efa mmagwe. / Ge Mmatlala a tsena o a emelela o a mo lekola. / O re Mmatlala o thomile go mo ja direthe. / Lekope ga emele go kwa bothata bja Mmatlala o thoma le gore ke maaka tšeo a nyakago go mmotša tšona. (TŠE PEDI fela)

GOBA

Pefelo

- Lekope o bitša Mmatlala ka maina (Sehlephišantepa) go laetša pefelo. / Lekope o fela a šupa Mmatlala ka monwana go laetša gore go be go se bose.

1.2.6 Balekwa ba ka fa mehlala ya go fapana ya maleba. Mohlala:

- Babadi ba a tseba gore Mologadi o tšwa ga Matonya gore a mo thuše gore Lekope a rate yena a tlogele Mmatlala, fao Matonya a mo phutheletšego dihlare tšeo a bego a swanetše go tšhelela Lekope ka dijong. Lekope yena o be a sa tsebe o no kwa mabarebare a Nadinadi.
- Babadi ba a tseba gore Mmatlala le Pebetse ba be ba nyaka go hula Lekope mahumo a gagwe, eupša Lekope yena o be a sa tsebe maikemišetšo a bona, o be a nagana gore o a ratwa.
- Babadi ba a tseba gore Mmatlala o laela Lekope gore o yo loga/breida meriri e le ge a nyaka go kopana le Mokalabi.

POTŠIŠO YA 2

2.1 THULANO

Thulano ke kgakgano/phapano ye e tšwelelago ge baanegwa ba babedi goba go feta ba fapana ka dikgopolo, mantšu goba ditiro. Go na le mehuta ye mebedi ya thulano, e lego thulanogare le thulanontle. Thulanogare ke ge moanegwa a na le dikgopolo tša go fapana mabapi le tiragalo goba seemo se se itšego. Thulanontle ke ge baanegwa ba sa kwane ka dikgopolo. Thulanontle e ka tšweletšwa ka go fošana ka mantšu goba go šomiša ditho tša mmele. Thulano e šoma go godiša maatlakgogedi gore mmadi a be le kgahlego ya go tšwela pele ka go bala sengwalo.

- Lekope o thulana le mosadi wa gagwe Mologadi ge a mmotša gore bana ba gagwe ke dihloa ba mo kganyogela lehu ebile ba a mo senyetša.
- Mologadi ge a botša Lekope gore o nyaka go ja tšhelete ya gagwe le metlabo se se befediša Lekope.
- Modupi le Segola ba fapana le tatagobona ka ge a ba phara ka molato wo ba sa o tsebego le gore Lekope o be a nyefola mmagobona.
- Lekope o thulana le Mologadi morago ga go botšwa ke Nadinadi gore o bone Mologadi a etšwa ga Matonya. Lekope o fetša a phara Mologadi ka molato wa gore o nyaka go mmolaya ka dijo.
- Modupi o thulana le Mmatlala le Pebetse ge a be a leka go apiša Mmatlala.
- Lekope o thulana le ba lapa le Thomo ge a be ba mmiditše gore ba tle ba boledišane ka tša lapa la gagwe.
- Lekope o tsogela ba lapa la Nadinadi maatla ge Nadinadi a gana go ba hlatse tabeng ya gore o bone Mologadi a etšwa ga Matonya.
- Lekope o kgakgana le Mmatlala ka ge Mmatlala a se a robala gae morago ga go laela gore o yo *breida* meriri.
- Lekope o kgakgana le Matlala ka ge a tšere bana a ba iša go tatagobona Bokgalaka ntle le go mmotša.
- Lekope o kgakgana le Thomo lebenkeleng ge Thomo a leka go mo eletša gore a boele gae ka ge seo a se dirilego e le bohlola.
- Lekope o lwa le kgopolo ka ge Mmatlala a se a boa gae. O tlelwa ke boitsholo.

GOBA

2.2 SETSOPOLWA B

2.2.1 Ke banyalani / Monna le mosadi bao ba nyalanego.

2.2.2 Go utolla sephiri / Go bolela taba.

- 2.2.3
- Lekope o kgahlilwe ke Mmatlala ebile o mo thopile pelo.
 - Mmatlala o hlohlelletše Lekope go hlala mosadi wa gagwe (Mologadi) gore ba tle ba kgone go nyalana.
 - Lekope o gonona gore Mologadi o nyaka go mo loya morago ga gore Nadinadi a mmothe gore o bone Mologadi a etšwa thokong ya ga Matonya.

2.2.4 Semelo ke mokgwa wo moanegwa a phelago ka gona go ya le ka moo mongwadi a mo tšweleditšego. Semelo se lebane le boitshwaro bja moanegwa.

Balekwa ba ka fa dikarabo tša go fapana tša maleba. Mohlala:

- Mologadi o na le lerato – Le ge monna wa gagwe a mo tlontlolotše ka go ratana le kgarebe ye nnyane o sa tšwela pele go mmontšha lerato le tlhompho ka go mmitšha Peba.
- O na le kgodišo ye botse baneng ba gagwe – Mologadi o fela a kgala barwa ba gagwe ge ba sa laetše tlhompho a ba gopotša gore motho yo ba bolelago le yena ke tatagobona.

2.2.5 Balekwa ba ka fa dikarabo tša go fapana tša maleba. Mohlala:

Manyami

- O tlogetše bana ba gagwe a yo hlokomela bana ba Mmatlala.
 - Lekope o šia bana le maikarabelo a go tšea dilaesense tša ditaxi go malome'abona.
 - Lekope ga a tšee maikarabelo a go fepa lapa la gagwe le Mologadi.
- 2.2.6
- Lekope o thoma go ratana le kgarebjana ya mo motseng e lego Mmatlala.
 - O raka mosadi le bana ba gagwe ka lebenkeleng, ka ge a ba phara ka molato wa gore ba a mo senyetša.

KEKANA, M. A. 1989 – NNETE FELA

POTŠIŠO YA 3

Tlemollo ya lehuto / Tharollo ya bothata

Tlemollo ya lehuto ke legato la thulaganyo leo go lona bothata bo rarologago gomme ditaba tša boela madulong a mehleng. Ka ge padi ye e le ya botseka mongwadi o swanetše go tšweletša kotlo.

Bohlale bja Ariel

Tše ke tše dingwe tša dintlha tšeo di laetšago bohlale bja Ariel bjo bo thušitšego go fihlelela tharollo ya bothata pading ye.

- Ariel o ipeile kgauswi le Bubbles ka ge a be a nyaka go tseba kudu ka sehlopha sa *sindikheithi*.
- O gana go fa Bubbles sengwalwa ka ge a lemogile gore se na le mokgwa, o laela Bubbles gore o nyaka Karabo e be yena yo a tlogo se tšea ka ge se ngwadilwe ke yena.
- Ge sengwalwa se utswitšwe o lemoga ka pela gore Bubbles o na le seabe tabeng yeo ebile o emiša sefatanaga go lemoša Bubbles gore ga a forwe ka leswafo, o a tseba gore batho bao ba tšerego sengwalwa ba šomišana le yena Bubbles.
- O leletša Pula mogala ka kholofelo ya gore o tla humana se sengwe ka bophelo bja Bubbles. O a atlega ka ge a tsebile ka kamano ya Bubbles le Kwena.
- Morago ga go gobala ga Bubbles ge ba le Majaneng, Bubbles o mo kgopetše go yo reka diphilisi, o lemoga ka pela gore ke leano la gore a šale a tšhaba fela o mmotša gore a ka se sepele a mo tlogela ka ge a tseba gore o nyaka go šala a tšhaba.
- Ariel o leletša Pula gore a botše Bubbles yo a bego a le Themba gore ge a ka se boe ka lona tšatši leo, o tlo ya maphodiseng a ba botša tšohle tše a di tsebago. Bubbles o boa Majaneng o botša Ariel tšohle gomme ba kwana ka go ya maphodiseng.
- Ariel o atlegile go dira dinyakišišo tša go utolla nnete ka moka ya bonokwane bja *sindikheithi* le ge e be e se letseka la molao. Banna ba *sindikheithi*, boMabusha le Mello ba ile ba swarwa, dikgwebo tša bona ka moka tša tswalelwa, le dithoto ka moka tša tšewa ke mmušo.

Tlemollo ya lehuto

- *Basindikheithi* ba ile ba swarwa Bubbles a ya go tšea Karabo gwa rena šebešebe bophelong bja bona.
Noko o hweditše kotlo ka ge a bolailwe ke yo mongwe wa maloko a *sindikheithi*, le Kwena kotlo ya gagwe e bile lehu.

GOBA

POTŠIŠO YA 4

Balekwa ba ka tšweletša melaetša ya go fapana ya maleba. Mohlala:

Molaetša – ke seo mongwadi a ratago gore mmadi a se bune ge a bala sengwalo sa gagwe. Molaetša (*moral*) ke seo mongwadi a se tšweletšago thwii goba ka go rarela gore a rute babadi se sengwe.

(a) **Bosenyi ga bo bušetše selo**

- *Basindikheithi* ba be ba ikgobokeletša mahumo ka go hula dipanka tšhelete le ka go ngwalelana ditšheke tša bofora.
- Karabo o utolla sephiri sa *sindikheithi* ka go ngwala tshwantšhetšodikgao ya radio ka sona.
- Ariel yo e sego letseka o a ba nyakišiša ebile o humana nnete ba fetša ba swerwe.
- Karabo le bagwera ba gagwe ba be ba otlela ba nwele ba humana kotsi ya sefatanaga, bangwe ba bagwera ba gagwe ba a hlokofala, yena o robega leoto.

GOBA

(b) **Namakgapeletšwa e phuma pitša**

- Bubbles o be a bontšhitše go se sa rata taba tša *masindikheithi* ge ba be ba mo kgopela gore a boelele a yo tšea sengwalwa go Ariel.
- Bubbles o be a kgopetšwe ke *basindikheithi* go batametša Ariel kgauswi le yena gore ba tle ba kgone go mmolaya ka ge a badile sengwalwa a tseba go fetiša tekano.
- Mafelelong Bubbles o ba hlanametše a šireletša Ariel ge a be a swanetše go bolawa.

GOBA

(c) **Le ge o ka e buela leopeng magokobu a go bona**

- *Basindikheithi* ba be ba khutile ka ngwakong wa Noko ba swere lekgotla la bona ba sa lemoge gore go na le motho yo a ka bego a theeditše seo ba se bolelago.
- Noko o ile a leka go phafoša Bubbles gore a tšhabe ka ge *sindikheithi* e le mohlaleng wa gagwe go tlo mo hlasela bošegong bjoo efela a se lemoge gore Mabusha o boile o mo theeditše. (Dikarabo tše dingwe tša maleba di tla amogelwa).

POTŠIŠO YA 5

Thulaganyo

Thulaganyo ke tatelano ya ditiragalo go thoma tšweletšong ya bothata go fihla go tharollo ya bjona. Thulaganyo e bontšha peakanyo ya ditiragalo tšeo mongwadi a di logaganyago go tšweletša kgopolokgolo ya sengwalwa. Go ba le peakanyo ya tatelano ya maleba go tšweletša matseno, mmele le morumo.

Kalotaba

Ke pulamadibogo a puku. Mo mongwadi o tšweletša baanegwa, kamano ya bona le tikologo ya bona.

- Ariel o kantorong ya komišinare, o befetšwe ka ge bašomedi ba komišinare ba sa ba hlokomele.
- Gona moo Bubbles o tšweletšwa e le kgarebe ye botse kudu ya go swanelwa ke diaparo.
- Tikologo ke ya Phelindaba, Tshwane moo Ariel le Bubbles ba dulago gona.
- Ariel ke yo mongwe wa bahlagiši ba ditshwantšhetšodikgao seyalemoyeng sa Phelindaba.
- Noko, e lego tatago Bubbles le Karabo ke leloko la *sindikheithi*, sehlopha seo se utswetšago batho tšhelete dikarateng tša krediti.
- Karabo e lego kgaetšedi ya Bubbles o na le bokgoni bjo bogolo bja go ngwala.

Phekgogo / Sethakgodi

Bothata bjo bo ntšhitšego hlogo ke bjona bjo bo tlogo hlola dithulano sengwalong.

- Karabo o šomiša bokgoni bja gagwe bja go ngwala. O ngwala sengwalwa sa go gatišwa seyalemoyeng. O se iša go Ariel yo e lego mohlagiši wa tshwantšhetšodikgao gore a se lekole gomme a se gatiše.
Noko o tsena ka phapošeng ya Karabo ya borobalo. O humana khopi ya sengwalwa seo Karabo a se ngwadilego sa go utolla diphiri tša bona ka moka.

Thulano

Thulano ke kgakgano yeo e tšwelelago gare ga baanegwa. Thulano e ka ba ya ka gare goba ya ka ntle.

- Noko o ile a laetša khuduego ye kgolo le pefelo ya go šiiša morago ga go humana sengwalo seo Karabo a se ngwadilego. Diteng tša sona di be di bediša madi a mmele wa gagwe ka pefelo.
- Banna ba *sindikheithi* ba ile ba dulela Karabo lekgotla ba mo sekiša ka kgalefo ba rata go tseba gore o tsebile bjang ka sephiri sa bona. Mafelelong ba tloša Karabo gore a yo bolawa.
- Ariel o thulana le lesogana la go utswa sengwalo nakong ya ge a thuša Bubbles yo a ikgobaditšego leoto ge a ewa. Ariel o lekile go kitimiša lesogana leo fela la tsena ka sefatanageng la ipha naga.
- Ariel o lebantšha Bubbles gomme o mmotša gore o badile sengwalo sela ka go realo o tseba diteng tša sona. O mmotša gore o a tseba gore tše ka moka di diregilego ke maano a Bubbles a go dira gore sengwalo se utswiwe.

- Bubbles o lwa le *masindikheithi* mmileng wa Mokwele, e le ge a šireletša Ariel gore a se bolawe. O ile a thuntšha Champ le Thoba gomme ya ba ge a thomile go ba lenaba la *masindikheithi* ka gore o šireleditše le go tšhabiša Ariel Meso.

Sehloa

Legato le le tšweletša thulano ye kgolokgolo ya mafelelo. Ditaba di ka senolwa, baanegwa bao ba bego ba tshepana ba utollwa. Moanegwathwadi a ka humana tshedimošo a e amogela gomme a tšea sephetho.

- Mabusha o thoma go se sa tshepa Noko. O befetšwe kudu ebile o ipoditše gore Noko o tla be a tšwa ka nnete. O nagana gore o šireletša Bubbles ebile o tseba moo Bubbles a iphihlilego gona.
- Noko o botša Bubbles gore *basindikheithi* ba tlile go mmolaya gomme o tšwela pele go botša Bubbles nnete ya gore o fihlile Karabo kae gomme o mo kgopela gore a ye go mo tšea.
- Ge a fetša go ntšha nnete ka moka Mabusha o tsena a befetšwe kudu. O ntšha sethunya o bolaya Noko.

Tlemollo ya lehuto / Tharollo ya bothata

Ke mafelelo a puku. Bothata bja puku bo a rarollwa. Ka ge padi ye e le ya botseka mongwadi o swanetše go tšweletša kotlo gomme mogala o phagamišwe.

- Banna ba *sindikheithi*, boMabusha le Mello ba ile ba swarwa, dikgwebo tša bona ka moka tša tswalelwa, le dithoto ka moka tša tšewa ke ba molao.
- Bubbles a ya go tšea Karabo. Bubbles le Ariel ba dula mmogo ba thabile.

GOBA

POTŠIŠO YA 6

Morero

Morero ke kgopolokgolo yeo mongwadi a ratago go e tšweletša ka sengwalo sa gagwe. Gore morero o tle o bonagale gabotse, mongwadi o diriša dithekniki tša go swana le tekolanthago, tekolapejana, go hlakahlakanya ditaba, go lokologanya ditaba, boipoeletšo, poeletšo ya ditiragalo, bjalo bjalo. Thulano le maatlakgogedi ke tšona di godišago morero wa puku.

Leina la paditseka ye "Nnete Fela" le tšweletša morero wa yona e lego nnete fela fao go rutwago gore bosenyi ga bo bušetše selo. Mongwadi o nyaka gore bonokwane bja *sindikheithi* bja go hula dipanka ka bofora bo tšwelele nyanyeng. Mongwadi o šomiša Ariel go nyakišiša nnete ya taba, mafelelong a e humana *masindikheithi* a swarwa.

- Motseng wa Phelindaba go be go dula banna ba go huma kudu e lego Noko le Mabusha. Mello o be a dula Gauteng gomme bona ka moka e be e le *masindikheithi*.
- Banna ba ba be ba na le sephiri seo se lebanego le bonokwane bja go hula dipanka.
- Seo ba bego ba se dira ke go fofiša khaete. Ke gore ba be ba ngwalelana ditšheke tša bofora gomme ba humane tšhelete ka tšona.
- Ba be ba na le dikgwebo tše dintši tšeo ba bego ba širela ka tšona gore batho ba se ke ba lemoga le go botšiša gore bohumi bja bona bo tšwa kae.
- Noko o be a dula le bana ba gagwe ba mafahla e lego morwedi, Bubbles le morwa, Karabo.
- Karabo, ka go hloka maikarabelo, o ile a wiša kgwebo ya *sinema* yeo tatagwe a bego a mo file yona, mafelelong a humana kotsi ya sefatanaga ka baka la botagwa gomme a robega leoto.
- Noko o be a mmefeletšwe kudu ebile a šetše a mmoditše gore o swanetše go mo tšwela motse ge a fola.
- Karabo o ile a befelelwa tatagwe le Bubbles ka gore o be a nagana gore Bubbles o itira yo mokaone ebile o phenkgišana le yena gore tatagwe a rate yena go mo feta.
- Noko o ile a laela bana ba gagwe gore ba ye paesekopong ya bošego. Ka ge Karabo a be a sa nyake, o ile a kgopela mogwera wa gagwe gore a ye le Bubbles gomme yena a boela gae a fihla a tsena phapošeng ya gagwe ka lefastere gore a robale. O ile a palelwa ke go robala ka ge *masindikeithi* ba be ba swere kopano ka gabo, ka fao o ile a kgona go kwa ditaba ka moka tšeo ba bego ba di ahlaahla bošegong bjoo. Ditaba tša gona di be di lebane le bonokwane bjo ba bo dirago bja go fofiša khaethe.
- Karabo o rile go tseba ka sephiri sa *masindikheithi* a fetša le mogopolo wa gagwe gore o nyaka go laya tatagwe le Bubbles ka ge yena a be a swanelwa ke go rakwa ka lapeng. O be a nyaka gore ba lahlegelwe ke dilo ka moka tšeo ba nago le tšona.
- Karabo a ngwala tshwantšhetšodikgao ka sephiri sa bona, a šomišitše maina a *masindikheithi* a nnete, efela a se ngwale la tatagwe la nnete.
- Noko o rile go lemoga ka ga sengwalo seo le diteng tša sona, a tsebiša *masindikheithi* ka kotsi yeo.
- Bona ge ba tlo sekiša Karabo gore o tsebile bjang ka sephiri sa bona, ke ge a šetše a se file mogaši wa seyalemoya e lego Ariel Meso.
- *Masindikheithi* ba ile ba befelwa gomme ba re Karabo o swanetše gore a bolawe. Ba mo file Champ le Thoba, e lego bašomedi ba bona gore ba mmolaye.
- Ka lehlakoreng le lengwe ba ile ba romela Bubbles go Ariel gore a yo tšea sengwalo sela.

- Ariel o ile a lemoga gore Bubbles ke lekgarebe la go ba le boikgantšho gomme a gana go mo fa sona, e le ge a be a nyaka go phuhlamiša boikgantšho le boipoto bja gagwe.
- Bubbles le yena o be a ikhumana a sa dudišege ge a na Ariel fela ka ge a be a nyaka go thabiša tatagwe le lesogana la gagwe Kwena, o ile a phegelela go ba thuša ka go boelela go Ariel.
- Bubbles o rile go lemoga gore o palelwa ke go se humana, a loga leano la go radia Ariel, a beakanya le Champ le Thoba gore ba tlo utswetša Ariel sengwalo sela mola yena a ikwešitše.
- Ariel o ile a mo topa nta thekeng gomme a mo utollela nnete ya gore o se badile sengwalo sela ebile go swanetšwe go iwe maphodiseng. Bubbles o ile a mmotša nnete le go mo lemoša gore le yena (Ariel) bophelo bja gagwe bo kotsing ka ge a tseba diteng tša sengwalo.
- *Masindikheithi* ba ile ba kgopela Bubbles gore a ba thuše go bolaya Ariel.
- Ka ge Bubbles a be a šetše a thomile go rata Ariel, lebakeng la gore a ba thuše, o ile a iphetola lenaba la *masindikheithi* ka go mo šireletša le go mo tšhabiša gore ba yo khuta Majaneng mo go bego go sa tsebje ke motho.
- Nako ye ka moka Bubbles o be a thibela Ariel go ya maphodiseng ka go mmotša gore *masindikheithi* ba ka tla ba bolaya tatagwe, mola ka lehlakoreng le lengwe a be a botša *masindikheithi* gore ge ba ka bolaya Ariel o tla ya maphodiseng.
- Mafelelong Ariel o rile go kwa ka lehu la Kwena, a sekiša Bubbles ka ge a be nyaka nnete ye e feleletšego. Le ge Bubbles a ile a leka go tšhabatšhaba ka nnete, o ile a fetša le pelo gore a botše Ariel nnete.
- *Masindikheithi* ka yona nako yeo ba ile ba kwelela gore Bubbles o khutile Majaneng, ntlong ya mogwera wa gagwe Pula. Ba ile ba romela Champ le Sello gore ba ye gona go yo ba bolaya (Bubbles le Ariel).
- Noko o ile a leletša Bubbles mogala go mo tsebiša ka ga babolai bao ba bego ba le tseleng, a ba a mo laetša gore a yo tšea Karabo mo a bego a mo utile gona.
- Mabusha o humana Noko a bolela le morwedi wa gagwe, morago ga go kwa ditaba ka moka, o ile a mmolaya ka ge e be e le mohlanoi.
- Mabusha le banna ba bangwe ba *masindikheithi* ba a swarwa, dikgwebo tša bona di a tswalelwa gomme ba lahlegelwa ke dithoto tša bona ka moka.
- Bubbles le Ariel ba ile ba dula mmogo ka lethabo bjalo ka baratani. Bubbles o ile a latela ditaello tša tatagwe a yo tšea Karabo fao tatagwe a bego a mmeile gona, ba phela mmogo ka lethabo.

RUBRIKI YA GO SWAYA POTŠIŠO YA 1 LE 2

DINYAKWA	O kgonne go fihlelela ditekolo tša bokgoni bja go ikgetha.	O kgonne go fihlelela ditekolo tša bokgoni bja maemo.	O kgonne go fihlelela ditekolo tša bokgoni bja magareng.	O fihleletše bokgoni bja motheo	Ga go bokgoni
Diteng Botebo bja dikgopolo, kgonthišišo le kwešišo ya sengwalo	Meputso 9–10	Meputso 7–8	Meputso 5–6	Meputso 3–4	Meputso 0–2
Sererwa le Polelo Tlhalošo ya sererwa. Polelo le segalo tšeo di šomišitšwego ge go ngwalwa taodišo	Meputso 5	Meputso 4	Meputso 3	Meputso 2	Meputso 0–1

RUBRIKI YA GO SWAYA POTŠIŠO 3 LE 4

DINYAKWA	O kgonne go fihlelela ditekolo tša bokgoni bja go ikgetha.	O kgonne go fihlelela ditekolo tša bokgoni bja maemo.	O kgonne go fihlelela ditekolo tša bokgoni bja magareng.	O fihleletše bokgoni bja motheo.	Ga go bokgoni.
Diteng Tlhalošo ya sererwa Botebo bja dikgopolo, kgothiśišo le kweśišo ya sengwalo	Meputso 9–10	Meputso 7–8	Meputso 5–6	Meputso 3–4	Meputso 0–2

RUBRIKI YA GO SWAYA POTŠIŠO 5 LE 6

DINYAKWA	O kgonne go fihlelela ditekolo tša bokgoni bja go ikgetha	O kgonne go fihlelela ditekolo tša bokgoni bja maemo	O kgonne go fihlelela ditekolo tša bokgoni bja magareng	O fihleletše bokgoni bja motheo	Ga go bokgoni
Diteng Botebo bja dikgopolo, kgonthiśišo le kweśišo ya sengwalo	Meputso 12–15	Meputso 9–11	Meputso 6–8	Meputso 4–5	Meputso 0–3
Sererwa le Polelo Tlhalošo ya sererwa. Polelo le segalo tšeo di diriśitšwego ge go ngwalwa taodiśo	Meputso 5	Meputso 4	Meputso 3	Meputso 2	Meputso 0–1

KAROLO YA B DINGWALWAŠOMIŠWA**POTŠIŠO YA 7****RUBRIKI YA PEGO YA KURANTA**

Moithuti:	Khoutu 7 O kgonne go fihlelela ditekolo ka bokgoni bja go ikgetha 80–100%	Khoutu 6 O fihleletše ditekolo ka bokgoni bja maemo 70–79%	Khoutu 5 O fihleletše bontši bja ditekolo 60–69%	Khoutu 4 O lekile go fihlelela bontši bja ditekolo 50–59%	Khoutu 3 O fihleletše tše dingwe tša ditekolo 40–49%	Khoutu 2 O lekile go fihlelela tše dingwe tša ditekolo 30–39%	Khoutu 1 O paletšwe go fihlelela ditekolo 0–29%
Diteng Diteng e be tša maleba di sepelelane le hlogo. Di be mabapi le seemo sa ditsela le ditsenyagalalo.	Meputso 10	Meputso 9–9,5	Meputso 8	Meputso 7	Meputso 6	Meputso 5	Meputso 0–4
Sebopego Sebopego sa maleba le botelele bjo bo lekanetšego. Go be le tše di latelago: hlogo, mmele le mafelelo.	Meputso 4	Meputso 3,5	Meputso 3	Meputso 2,5	Meputso 2	Meputso 1,5	Meputso 0–1
Setaele le polelo Retšistara, segalo, mohola, tlotlontšu, tlhamo ya mafoko le mopeleto, maswaodikga, tšhomišo ya polelo ya maleba. Šomiša mahlaodi le mantšu a go tsoša maikutlo.	Meputso 6	Meputso 5,5	Meputso 5	Meputso 4,5	Meputso 4	Meputso 3	Meputso 0–2

POTŠIŠO YA 8**RUBRIKI YA METSOTSO LE LENANEOTHERO**

Moithuti:	Khoutu 7 O kgonne go fihlelela ditekolo ka bokgoni bja go ikgetha 80–100%	Khoutu 6 O fihleletše ditekolo ka bokgoni bja maemo 70–79%	Khoutu 5 O fihleletše bontši bja ditekolo 60–69%	Khoutu 4 O lekile go fihlelela bontši bja ditekolo 50–59%	Khoutu 3 O fihleletše tše dingwe tša ditekolo 40–49%	Khoutu 2 O lekile go fihlelela tše dingwe tša ditekolo 30–39%	Khoutu 1 O paletšwe go fihlelela ditekolo 0–29%
Diteng Diteng di sepelelane le hlogo. Lenaneothero e be kakaretšo ya tšeo di tlogo bolelwa. Le beakanywe go ya ka bohlokwa bja ditiragalo. Ditšwametsotsong, ngwala tšeo di boletšwego kopanong le tšeo go kwanwego ka tšona. Ditšhišinyo le kwano ya tšona.	Meputso 10	Meputso 9–9,5	Meputso 8	Meputso 7	Meputso 6	Meputso 5	Meputso 0–4
Sebopego Sebopego sa maleba le botelele bjo bo lekanetšego. Leina la mokgatlo, letšatšikgwedi, lefelo le nako tša kopano. Go be le lenaneothero.	Meputso 4	Meputso 3,5	Meputso 3	Meputso 2,5	Meputso 2	Meputso 1,5	Meputso 0–1
Setaele le polelo Retšistara, segalo, mohola, tlotlontšu, tihamo ya mafoko le mopeleto, maswaodikga, tšhomišo ya polelo ya maleba	Meputso 6	Meputso 5,5	Meputso 5	Meputso 4,5	Meputso 4	Meputso 3	Meputso 0–2

POTŠIŠO YA 9**RUBRIKI YA DITSHWAYOTSHWAYO**

Moithuti:	Khoutu 7 O kgonne go fihlelela ditekolo ka bokgoni bja go ikgetha 80–100%	Khoutu 6 O fihleletše ditekolo ka bokgoni bja maemo 70–79%	Khoutu 5 O fihleletše bontši bja ditekolo 60–69%	Khoutu 4 O lekile go fihlelela bontši bja ditekolo 50–59%	Khoutu 3 O fihleletše tše dingwe tša ditekolo 40–49%	Khoutu 2 O lekile go fihlelela tše dingwe tša ditekolo 30–39%	Khoutu 1 O paletšwe go fihlelela ditekolo 0–29%
Diteng Diteng di sepelelane le hlogo. Dintlhakgolo di tšweletšwe ka boripana. Go ngwalwe ka lebaka le le fetilego. Go tšweletšwe tšeo di go kgahlilego. Ditšhišinyo mabapi le se se ka dirwago / tlhohleletšo.	Meputso 10	Meputso 9–9,5	Meputso 8	Meputso 7	Meputso 6	Meputso 5	Meputso 4–0
Sebopego Sebopego sa maleba le botelele bjo bo lekanetšego. Leina la puku, mongwadi, mogatiši, mohuta le tlhamego, moanegwathwadi.	Meputso 4	Meputso 3,5	Meputso 3	Meputso 2,5	Meputso 2	Meputso 1.5	Meputso 1–0
Setaele le polelo Retšistara, segalo, mohola, tlotlontšu, tlhamo ya mafoko le mopeleto, maswaodikga, tšhomišo ya polelo ya maleba.	Meputso 6	Meputso 5,5	Meputso 5	Meputso 4,5	Meputso 4	Meputso 3	Meputso 2–0

POTŠIŠO YA 10**RUBRIKI YA POLELO**

Moithuti:	Khoutu 7 O kgonne go fihlelela ditekolo ka bokgoni bja go ikgetha 80–100%	Khoutu 6 O fihleletše ditekolo ka bokgoni bja maemo 70–79%	Khoutu 5 O fihleletše bontši bja ditekolo 60–69%	Khoutu 4 O lekile go fihlelela bontši bja ditekolo 50–59%	Khoutu 3 O fihleletše tše dingwe tša ditekolo 40–49%	Khoutu 2 O paletšwe ke go fihlelela tše dingwe tša ditekolo 30–39%	Khoutu 1 O paletšwe go fihlelela ditekolo 0–29%
Sebopego E tšweletše matseno, mmele le mafelelo.	Meputso 6	Meputso 5,5	Meputso 5	Meputso 4,5	Meputso 4	Meputso 3	Meputso 0–2
Dikagare / diteng Diteng e be tše di sepelelanago le sererwa. Go laetšwe kwešišo ya seo go ngwalwago ka sona. Morero o fihlelelwe. Diteng di be mabapi le ditebogo, go šomišwe mafoko a bonolo.	Meputso 10	Meputso 9–9,5	Meputso 8	Meputso 7	Meputso 6	Meputso 5	Meputso 0–4
Setaele le polelo Temana ye nngwe le ye nngwe e hlaloše ditaba tša yona. Mafoko a be a a hlamilwego gabotse le tšhomišo ya maleba ya maswaodikga, tlotlontšu le tšhomišopolelo. Tirišo ya mantšu ka mo go nepagetšego, tlotlontšu ya maleba le mopeleto wo o nepagetšego.	Meputso 4	Meputso 3,5	Meputso 3	Meputso 2,5	Meputso 2	Meputso 1,5	Meputso 0–1